

# Negin representant pli el cussegl d'administraziun da SMT

Las cuminonzas d'interess dils possessurs da secundas habitaziuns da Tujetsch e Mustér ein buca pli representadas el cussegl d'administraziun da Sedrun Mustér Turissem (SMT). Lur delegau Christoph Marugg ei seretratgs suenter la dispeta davart la nova carta da hosps gratuita. La Cuminonza dils possessurs da secundas habitaziuns da Tujetsch ei seradunada la dumengia e ha surdau il secund Premi cardun. Quel ei ius a Sabine Keller che ha menau endisch onns l'ustria Tegia Las Palas a Milez.

HANS HUONDER/FMR

Il fevver 2020 ei la Sedrun Mustér Turissem SA vegnida fundada entras las vischnauncas da Mustér e Tujetsch. Dils siat sez el cussegl d'administraziun ei vegniu mess a disposiziun in allas cuminonzas d'interess dils possessurs da secundas habitaziuns da Tujetsch e Mustér. Vegnius delegaus en leu ei allura *Christoph Marugg* dalla cuminonza da Tujetsch. El ha denton buca appartenu ditg a quei gremi. En connex cullas turbulenzas pertuccont la carta da hosps ha el remess siu mandat. Sco quei che la suprastanza dalla Cuminonza dils possessurs da secundas habitaziuns da Tujetsch ha orientau la dumengia, eri el en ina minoritad e consequentamein senza gronda influenza. «Pil mument resta sia sutga vita», di la president dalla cuminonza, l'antieriura cussegliera nazionala *Vreni Müller-Hemmi*. Tenor ella vegnan ils contacts culla vischnaunca tgrira. Medemamein seigi ei vegniu priu contact cull'Andermatt Sedrun Sport SA: «Nus lein empruar da declarar nossas finamiras e nosa contribuziun al turissem.»

## 340 commembers

«Enstagl d'arranchaments da sentupada havein nus giu igl onn vargau ina radunonza generala sin via da correspondenza e sedutas da suprastanza via finistrel. Quei ei ina vart digl onn dalla pandemia da Covid-19. Da l'autra vart ha la Cuminonza d'interess dils possessurs da secundas habitaziuns da Tujetsch surpriu conresponsabladad strategica el niev cussegl d'administraziun da Sedrun Mustér Turissem. Deplorablamain ei quei engaschament ius a fin suenter rodund in onn. La cuminonza ha rinforzau la cooperaziun cul Forum cultural Tujetsch ed il Museum La Truaisch enten scaffir in program annual communabel 2021. La suprastanza ha denton era tschercau il dialog cul niev president communal *Martin Cavegn*. Tut en tut astgein nus trer ina bilanza positiva.» Cun quellas constataziuns ha la presidenta *Vreni Müller-Hemmi* fatg beinvegni la dumengia a rodund 80 commembras e commembers dalla cuminonza che dumbra en tut rodund 340 del. In fetg bien eco hagi il cuors da romontsch da questa stad giu. Cun quella purschida vulan ins cuntinuar igl onn vegnent.

## Carta da hosps dat da discutir

Muort corona ei la radunonza generala digl onn vargau curdada. Las fatschentas statutarias ein vegnidas liquidadas sin via da correspondenza. Aschia era l'elecziun dil successur da



La surdada dil Premi cardun. Da senierster **Diego e Marianne Curschellas** dalla mazlaria **Curschellas, Reto Bearth** (collaboratur tecnic dalla vischnaunca), la presidenta **Vreni Müller-Hemmi**, **Sabine Keller** (purtadra dil Premi cardun), il suprastont **Werner Strel** e gerau **Guido Monn**. FOTO MAD

*Kurt Baumgartner* ella suprastanza. Per el ei *Roman Schmid* vegnius tscharnius. Tenor *Vreni Müller-Hemmi* hagi la suprastanza giavischau ina persuna cun ragischs familiaras ella val. Quei levgieschi il contact. Alla radunonza dalla dumengia vargada ha la carta da hosps dau da discutir. Enconuschentamein ein las prestaziuns da quellas vegnidas reducidas en vesta a questa stad. Tenor *Vreni Müller-Hemmi* ha Sedrun Mustér Turissem installau ina gruppa da lavur. Quella sefatschenta ussa dalla carta gratuita per la stad 2022, vul dir elavurar in concept persuerter. «Nus lein negina discriminaziun en cumparegliazion culs indigens», puntuescha la presidenta e spera sin ina buna soluziun. Probablamein pervia dalla nova carta da hosps reducida en sias prestaziuns han pliras possessurs da secundas habitaziuns fatg recuors tier la vischnaunca pertuccont il quen da taxas da hosps.

## Surdau il secund cardun

Avon treis onns ei il cardun – il premi dalla cuminonza a persunas ni instituziuns cun me-retz specials – vegnius surdaus l'emprema ga. Lez ei ius al menaschi puril da bio dad *Edi e Silvia Hess*. Il secund cardun fust vegnius surdaus avon in onn, havess la pandemia buca fatg in steh atras il quen da quella surdada. Per quei motiv ei quei succediu uonn. *Sabine Keller* che ha menau l'ustria Tegia Las Palas a Milez ei vegnida undrada per siu engaschi e

sia hospitalitad duront 11 onns. «Quei premi ei ina reconuschentscha pil survetsch e per l'amicabladad, pia pil beinstar en favur dil hosp», di la presidenta. Stai ella selezcion finala pil premi ein era la mazlaria *Curschellas* e la piazza da giug d'affons *Fontauna* (vischnaunca Tujetsch) a Ruera. Tenor *Vreni Müller-Hemmi* eran rodund 30 propostas vegnidas inoltradas pil premi. 60% dallas commembras e dils commembers dalla cuminonza ein separticipai all'elecziun.

## «Il sez resta vacants»

Sin damonda dalla FMR ha il president dalla Sedrun Mustér Turissem SA, *Renato Decurtins*, declarau ch'il sez daventaus vacants entras la demissiu da *Christoph Marugg* el cussegl d'administraziun resti vacants il mument: «El sa, sto denton buca vegnir occupaus d'in commember d'ina dallas duas cuminonzas d'interess dils possessurs da secundas habitaziuns. Quei sa era esser ina persuna cun ina secunda habitaziun ch'ei buca commembra leu.» Il cussegl d'administraziun deploraschi quella situaziun sedada entras las discussiuns concernent la carta da hosps gratuita: «Per nus eis ei secapescha impurtont d'intervegnir lur meinis e da haver quei ligiom.»

## MEDEL



La nova cumissiu da turissem da Medel duei sviluppar la strategia e dar accents al turissem. FOTO HANS HUONDER

## Alla tscherca da commembers per la nova cumissiu da turissem

Cull'approbaziun dalla revisiun dalla lescha da turissem l'entschatta fenadur 2021 han vischnas e vischins da Medel era scaffiu la basa legala per ina cumissiu da turissem. Igl empram da schaner 2022 duei quella vegnir en funcziun. Gerau *Werner Venzin* vegn ad esser il representant dalla suprastanza communal en quella, *Daniela Kienzler* vegn a surprendre ils pensums operativs. Per quella cumissiu vegn tschercau ussa duas entochen quater persunas che han domicil en vischnaunca. Ils commembers vegnan allura eligi dalla suprastanza communal. «La cumissiu turistica s'entaupa minimum quater ga per onn per sviluppar la strategia, las ideas, dar accents e per fixar il preventiv», scriva la suprastanza communal en in'informaziun. Tenor ella san era possessurs da secundas habitaziuns separticipar a moda consultativa alla cumissiu: «Alla suprastanza communal schai ei a pèz ch'era possessurs da secundas habitaziuns – che portan ina part essenziala dallas taxas da turissem – han la pusseivladad da colaborar en quella cumissiu.» Persunas che han interess da separticipar alla cumissiu san s'annunziar per mail [info@medel.ch](mailto:info@medel.ch) tier l'administraziun communal entochen ils 24 da settember 2021. (fmr/hh)

## LA QUOTIDIANA

Editura: Samedia Press AG  
Editor: Hanspeter Lebrument  
CEO: Thomas Kundert

mail: [abo@somedia.ch](mailto:abo@somedia.ch)

Editura Samedia  
Via Sommerau 32, 7007 Cuir; tel. 081 255 50 50, mail: [verlag@somedia.ch](mailto:verlag@somedia.ch)

### Inserats:

Samedia Promotion,  
Städtstrasse 12, 7130 Gilon  
tel. 081 920 07 17, fax 081 920 07 18,  
mail: [ilanz.inserate@somedia.ch](mailto:ilanz.inserate@somedia.ch)

Redacziun responsabla:  
Fundaziun Medias Rumantschas (FMR);  
Schedredactor FMR: David Truttmann (dat)

Substitut schedredactor FMR:  
Hans Huonder (hh), Sandro Buchli (sb)

Redacziun FMR:  
Augustin Beeli (abc),  
Andreas Cadonau (ac),  
Daniela Derungs (dd),  
Flurin Andry (fa, correctorat),  
Gabriela Desax (gd, correctorat),  
Madlaina Capeder (mc, correctorat),  
Annatina Felli (afi), Nadja Lucchinetti (nl),  
Susi Rothmund (sr), Andri Netzer (an),  
Sandra Balzer (sab), Martin Gabriel (mg),  
Tanja Jäger (tj).

Adressas redacziunalas:  
FMR Fundaziun Medias Rumantschas,  
Via da Masans 2, 7000 Cuir, 081 544 89 10  
mail: [redacziun@fmr.ch](mailto:redacziun@fmr.ch)  
secretariat: 081 544 89 11

[www.fmr.ch](http://www.fmr.ch)

Servetsch d'abunents e da distribuziun:  
Via Sommerau 32, 7007 Cuir,  
tel. 0844 226 226,

La Quotidiana cumpara  
tschintg giadas ad emna  
Ediziun derasada,  
Südoschtweiz cumplett:  
66 466 exemplars (WEMF, 2021)  
Derasaziun: 115 803 lecturas e lecturas  
(MACH-Basic 2021-1)

La Samedia Press AG è possessura  
dals titels «Fögl Ladin», «Gasetta  
Romontsch», «Casa Paterna/La Pünt»  
e «La Vouch da Surmeir».

Pretschs d'abunaments sut:  
[www.suedostschweiz.ch/aboservice](http://www.suedostschweiz.ch/aboservice)

Comunicaziun da participaziun con-  
siderabla  
sin fundament da art. 322 CP:

nagin

© Samedia

reclama

**FAUSTDICKER JUSO-SCHWINDEL**

[steuerinitiative-nein.ch](http://steuerinitiative-nein.ch)

## Achtung: Neue Steuern für alle

- › Griff ins Portemonnaie von Hausbesitzern, Landwirten und Kleinanlegern
- › Gefährdet Nachfolgen in Familienbetrieben
- › Zerstört den Innovations- und Startup-Standort

